



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

83. Cum tria nuper &c. Decretum quo tria Summaria assertarum
Indulgentiarum Confraternitatibus S. Rocchi concessarum proscribuntur,
easdemque Confraternitates non aliis Indulgentiis gaudere posse ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1712.

II.

DECRETUM.

De Indulgentiis, quas gestantes Scapulare Conceptionis B. V. Immaculatae, & Cincturati Sancti Augustini, & Sanctae Monicæ confe. qui possunt.

PRæcipuas inter curas, quibus Sacra Congregatio Indulgentiis, & Sacris Reliquiis præposita sedulo incumbit, ea est, ut Indulgentias, quæ à nonnullis interdum temerè evulgantur, maturè expendat, & quas, aut revocatas, aut falsas, & apocryphas esse deprehenderit, ne Fideles illarum assequendarum spe decipiantur, palam detegat, atque prohibeat.

Cum itaque Sacra Congregationi delatum fuerit in libello quodam Veronæ impresso anno 1711., cui titulus: *Breve notizia del santo habitino, che si dispensa da Padri Teatini ad onore dell' Immacolata Concezione di Maria Vergine in virtù d'un Breve Apostolico di Clemente X. confermato con altro del Regnante Sommo Pontefice in data delli 12. Maggio 1710. Con le Indulgenze proprie; e dell' aggregazione alla loro Religione &c.* Plurimas Indulgentias falsò contineri, veluti à Summis Pontificibus concessas, aut quoquomodo comunicatas, gestantibus Scapulare parvum cœrulei coloris, quod vocant Conceptionis Beatissimæ Virginis Immaculatae. Ideò re maturè pensata die 22. Februarii 1712. declaravit nullas alias Indulgentias pro gestatione prædicti Scapularis acquiri, nisi illas, quas Sanctissimus Dominus Noster literis in formâ Brevis desuper editis die 12. Maji anno 1710. clementer concessit his verbis: *Omnibus, & singulis utriusque sexus Christianis, quibus Scapularia benedicta hujusmodi, ut præfertur, in posteram distribuuntur, die, quo illa primam susceperint, si verè penitentes, & confessi Sanctissimum Eucharistiæ Sacramentum sumserint, plenariam; Nec non eisdem in cuilibet eorum, mortis articulo, si etiam verè penitentes, & confessi, ac Sacra Communionem refecti, vel quatenus id facere nequiverint, saltem contriti Nomen Jesu, ore si poterint, sin minus corde devotè invocaverint, eidem plenariam; Ac istis pariter verè penitentibus, & confessis, ac eadem sacra Communionem refectis, qui aliquam ex Ecclesiis dictæ Congregationis, vel Cappellam, sive Oratorium die festo ejusdem Conceptionis B. Mariæ Virginis Immaculatae à primis vespere usque ad occasum solis diei hujusmodi singulis annis devotè visitaverint, & ibi pro Christianorum Principum &c. preces effuderint, plenariam similiter omnium peccatorum suorum Indulgentiam, & remissionem misericorditer in Domino concedimus. Insuper prædictis Christianis etiam verè penitentibus, & confessis, ac sacra Communionem refectis Ecclesiam, vel cappellam, seu Oratorium hujusmodi in aliis ejusdem Beatae Mariæ Virginis festis diebus, ut præfertur, visitantibus, & ibidem orantibus, quo die prædictorum id egerint, septem annos, & totidem quadragenas de injunctis eis, seu alias quomodolibet debitis penitentibus in forma Ecclesiæ consueta relaxamus &c.*

Cumque pariter Sac. Congregationi innotuerit in alio libello Bononiæ impresso anno 1707. qui inscribitur; *Sacro Diario delle grazie, e Indulgenze concesse alla Compagnia della Cintura detta di S. Agostino, e di S. Monica &c.* Multas pro Cincturatis referri Indulgentias, quarum aliqua, aut revocata, aut falsa omnino sunt; Ideò Sacra eadem Congregatio prædicta die 22. Februarii 1712. similiter declaravit, Cincturatos nullas alias Indulgentias pro gestatione Cincturæ lucrari posse, nisi illas, quæ expressè continentur in Brevis à san. mem. Clemente X. desuper edito, quod

incipit: *Ex injuncto Nobis celtus*, dato die 27. Martii 1675.

Et ut omnis in posterum erroris, ac deceptionis occasio auferatur, distictè prohibuit, ne alia Indulgentiæ voce, aut scripto publicentur pro gestatione supramemorati parvi Scapularis, aut prædictæ Cincturæ præter eas, quæ in supradictis Brevis Sanctissimi Domini Nostri Clementis XI. & sa. me. Clementis X. respectivè continentur. Ac insuper recensitos Libellos, alterum Veronæ, alterum Bononiæ impressum pro scribendis consuit sub pœnis in Indice librorum prohibitorum contentis.

Quibus per me Secretarium Sanctissimo Domino Nostro relatis Sanctitas Sua Sententiam Sacrae Congregationis approbavit, & in omnibus servari iussit. Datum die 24. Februarii 1712.

Fr. Thomas Maria Card. S. Clementis.

Raphael Cosinus de Hieronymis Secr.

Die, Mense, & Anno, quibus supra supradictum Decretum affixum, & publicatum fuit ad varias Curias Innocentianæ, ac in Acie Campi Floræ, & aliis locis solitis, & consuetis Urbis per me Jo. Baptistam de Cappellis Apost. Curf.

Ludovicus de Cappellis Pro Mag. Curf.

DECRETUM.

Quo tria Summaria assertarum Indulgentiarum Confraternitatibus S. Rocchi concessarum pro scribuntur, easdemque Confraternitates non aliis Indulgentiis gaudere posse declaratur, nisi illis, quæ à san. mem. Paulo V. in Brevis dato 3. Novembris 1606. concessa reperuntur.

CUM tria nuper Indulgentiarum Summaria Sacrae Congregationi Indulgentiis, Sacrisque Reliquiis præposita delata fuerint, in quibus quamplurimæ Indulgentiæ aut falsæ, aut apocryphæ, aut à nonnullis Romanis Pontificibus, signanter verò à sel. recor. Paulo V. Brevis dato 3. Novembris anni 1606. expressè revocata continentur, & quod longè deterius est, multæ etiam facultates, & concessionis, & nonnulla itidem privilegia, aut pariter revocata, aut omnino conficta non sine magno Fidelium scandalo, & Animarum periculo temerè evulgantur: Sacra eadem Congregatio, quæ fideli, ac prudenti cœlestis Indulgentiarum Thesauri dispensationi præest, die 12. mensis Martii labentis anni, re maturè pensata declaravit, Confraternitates S. Rocchi in quibusvis locis existentes, & Archiconfraternitati de Urbe aggregatas nullis aliis Indulgentiis, concessionibus, & privilegiis uti, & frui posse, nisi illis, quæ in supradicto Brevis sa. me. Pauli V. continentur, & quæ in aggregationibus ab eadem Archiconfraternitate expediti solitis de verbo ad verbum referuntur. Prædicta autem summaria, quorum unum ita inscribitur: *Sommario dell' Indulgenze concesse da Sommi Pontefici alla Venerabile Compagnia di S. Rocco di Roma, ed alla Compagnia di S. Rocco d'Ancona aggregata &c.* In Ancona nella Stamperia Camerale 1661. Alterum verò: *Sommario del Celeste Tesoro dell' Indulgenze, doni, grazie, facoltà, e privilegi concessi per molti Romani Pontefici, ed ultimamente confermati, ed ampliati dalla Santità di Nostro Signore Gregorio per la Divina Provvidenza Papa XIV. alla Ven. Compagnia, ed Ospedale di S. Rocco di Roma, da potersi concedere dalli Commissarii deputati a questo Santo Offizio della pubblicazione di tante divine grazie a ciaschedun fedel Christiano, che vorrà entrare nella*

III.

San-

1714.

Santa Confraternita di S. Rocco di Roma: In Roma appresso Paolo Blado Stampatore Camerale 1591. Tertium denique: Sommario del Celeste Tesoro dell'Indulgenze, doni, grazie, facoltà, e privilegij concessi &c. a ciaschedun Fedel Cristiano che verà entrare nella Santa Confraternita di S. Rocco di Roma, & comunicare alla Confraternita del medesimo S. Rocco, e Sebastiano nella Chiesa della B. V. Maria di Loreto nelle Città di Roveredo: In Roma, ed in Roveredo, per Giuseppe Antonio Gajo 1712. Sub pœnis in Indice librorum prohibitorum contentis proscribenda esse censuit, atque insuper districtè prohibuit, ne alia Indulgentiæ, concessionis, aut privilegia pro supradictis Confraternitatibus S. Rocchi voce, aut scripto evulgentur, nisi ea, quæ in sæpe memorato Brevi Pauli V. concessa reperiuntur: Quam Sacræ Congregationis Sententiam per me Secretarium Sanctissimo Domino Nostro relatum Sanctitas Sua probavit, & executioni mandari iussit. Datum die 14. Martii 1714.

L. Card. Picus Præfectus.

Raphael Cosmus de Hieronymis Secret.

Die, mense, & anno, quibus supra supradictum Decretum affixum, & publicatum fuit ad valvas Curie Innocentianæ, & in Acie Campi Floræ, ac aliis locis solitis, & consuetis Urbis, ut moris est, per me Franciscum Bartholomæum Apost. Curf.

Ludovicus Capellus Mag. Curf.

DECRETUM

IV.

Quo declaratur Monasteria Monialium à curâ Regularium suorum Ordinum ad immediatam jurisdictionem Episcoporum translata, aut transferenda iisdem privilegiis, ac indulgentiis frui debere, quibus ante eiusmodi translationem fruebantur.

Icet ab hac Sacra Congregatione Indulgentiis, & Sacris Reliquiis præposita non semel declaratum fuerit, nonnulla Sanctimonialium Monasteria, quæ antea sub gubernio Fratrum sui Ordinis debebant, per hoc, quod Episcopum loci subiecta deinde fuerint, privilegia, & indulgentias, quibus antea fruebantur nullatenus amisisse; Tamen cum sæpius alia etiam Monasteria, quæ simili modo sub immediatam Episcoporum jurisdictionem translata sunt, idem ab Apostolica Sede declarari humiliter postulaverint; ut nulla in posterum dubitandi ratio superfit; Eadem Sacra Congregatio re maturè discussa die 20. Aprilis 1711. declaravit: Monasteria omnia Sanctimonialium, quæ à curâ, & gubernio Fratrum suorum Ordinum sub immediatam jurisdictionem Episcoporum translata sunt in posterum transferri aliquâ ratione contigerit, non idèd privilegia, & Indulgentias, quibus antea gaudebant, amisisse, seu amisura fore; Sed eodem modo cunctis prædictis privilegiis, & Indulgentiis, uti, & frui debere, ac si sub gubernio Fratrum suorum Ordinum actu existerent. Quam Sacræ Congregationis sententiam Sanctissimus Dominus Noster die 22. ejusdem mensis approbavit. Datum Romæ die 14. Maji 1714.

L. Card. Picus Præfectus.

Raphael Cosmus de Hieronymis Secr.

Die, mense, & Anno quibus supra supradictum Decretum affixum, & publicatum fuit ad valvas Curie

Innocentianæ, & in Acie Campi Floræ, ac aliis locis solitis, & consuetis Urbis, ut moris est, per me Josephum Batialem Apost. Curf.

Sebastianus Vasellus Mag. Curf.

DECRETUM.

Quo bina Summaria Indulgentiarum, ut apocrypha, proscribantur, eorumque usus interdicatur,

V.

Sacra Congregatio Indulgentiis, Sacrisque Reliquiis præposita die 13. mensis Julii anni 1714. maturè perpensis duorum Indulgentiarum Summariis, quorum unum ita inscribitur: *Sommario dell'Indulgenze, grazie, e doni concessi da molti Romani Pontefici, e nuovamente confermate dalla Santità di Nostro Signore Papa Clemente XI. alla Venerabil Chiesa, e Hospitali di S. Maria di Monserrato di Catalogna, & alli Confratri, e Confratelli d'essa Madre Vergine. In Palermo presso Francesco Cicche 1714. Alterum verò: Sommario dell'Indulgenze concessi da diversi Romani Pontefici, ed ultimamente ampliate, & confermate da Nostro Signore Clemente XI. alli Fratelli, e Sorelle del Sacro Reale, e Militare Ordine, così dell'Asservanza, come delli Scalzi di Nostra Signora della Mercè. Opera della Redenzione de Schiavi Christiani fra gl'Infedeli. In Roma nella Stamperia della Reverenda Camera Apostolica. In Messina nella Stamperia della di Amico. Ed in Palermo per Felice Marino 1710. Dictorum Summariorum usum interdixit, illaque prohibenda esse censuit sub pœnis in Indice Librorum prohibitorum contentis. Quibus Sanctissimo Domino Nostro die 18. ejusdem mensis Julii per me Secretarium relatis; Sanctitas Sua sententiam Sacræ Congregationis approbavit, & executioni mandari iussit. Datum die 19. Julii Anni 1714.*

L. Card. Picus Præfectus.

Raphael Cosmus de Hieronymis Secret.

Die 19. Julii 1714. supradictum Decretum affixum, & publicatum fuit ad valvas Basilicæ Principis Apostolorum, Curie Innocentianæ, ac in aliis locis solitis, & consuetis Urbis per me Petrum Romolatum Apost. Curf.

Sebastianus Vasellus Mag. Curf.

DECRETUM.

Quoad Indulgentias Rosariis, seu Coronis S. Brigittæ à Summis Pontificibus concessas.

VI.

Indulgentiæ, Rosariis, seu Coronis, quas S. Brigittæ vocant, à Summis Pontificibus concessæ.

Leo Decimus Pontifex Maximus per literas suas incipientes: *Ex Clementi*: datas Idus Julii 1515. concedit omnibus, & singulis utriusque sexus Christianis, qui per, & super Rosaria, seu Coronas S. Brigittæ devotè oraverint, pro qualibet Oratione Dominica centum dies, & totidem pro salutatione Angelicâ, & pro quolibet Symbolo, si dixerint, vel recitaverint, etiam centum dies Indulgentiarum; nec non pro quolibet psalterio (id est Rosario, aut corona quindecim Decadum Beatæ Mariæ Virginis)

super